

brata fuere tum contra grassantes hæreses, tum ad tollenda schismata, morumque corruptelas.

7. *Qui ritus recepti fuere?*

1. Illibata Virginis Deiparæ conceptio ab Ecclesia Lugdunensi A. 1136. solemniter celebrari cœpta. 2. Pœnitentiæ publicæ minùs semper minùsque frequentari, inque alia opera pia commutari solebant. 3. Mos, quo profani etiam homines meritorum religiosæ cujusdam familiæ participes fiebant, cœpit invalescere.

8. *Qui novi Ordines religiosi?*

Hoc seculo occasione sacrarum expeditionum tres Equitum Ordines insigniores cœperunt efflorescere, nempe 1. Melitensium sub annum 1104. cujus primus Magister fuit B. Gerardus. 2. Templariorum, à vicinia templo Hierosolymitano habitatione nomen ducentium A. 1118. 3. Teutonicorum A. 1191. S. Norbertus A. 1120. Ordinem Canoniorum regularium, cui à Præmonstrato, deserto olim Gallix loco nomen, instituit. De Ordinis porro Guilielmitarum auctore variant scriptores.

9. *Quinam, sanctitate & doctrinâ celebratiores?*

S. Anselmus Episcopus Cantuariensis, S. Norbertus Tanchelini hæreseos exterminator, S. Bernardus Ordinis Cisterciensis totiùsque Ecclesiæ ingens lumen & columen, Rupertus Abbas Tuitiensis Ord. S. Benedicti Ven. Petrus Abbas Cluniacensis, Hugo & Richardus de S. Victore, uterque Canonic. Reg. S. Augustini. Guericus Abbas Cisterciens. Otho Episcopus Frisingensis, Petrus Lombardus Episcop. Paris. &c.